



Cov Lus Nug Uas Nquag Nug Txog Ntawm Cov Lus Qhia Hais Txog Kev Rov Qhib Dua

Cov Hauj Lwm Muab Ncaj Nraim Rau Tus Neeg Kheej (*Muab kho tshiab 8-4-2020*)

Hauv qab no yog cov lus teb rau cov lus nquag nug hais txog Oregon Feem Muaj Cai Saib Xyuas Kev Noj Qab Haus Huv (Oregon Health Authority, OHA) [Cov Lus Qhia Hais Txog Qhov Rov Qhib Dua Zeeg Sij Hawm Ib: Cov Lus Qhia Tshwj Xeeb rau Cov Lag Luam Uas Ua Txoj Hauj Lwm Ncaj Nraim Rau Tus Neeg Kheej \(Personal Service Providers\)](#) (lus qhia txog ntawm txoj hauj lwm uas muab ncaj nraim rau tus neeg kheej). Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muab Cov Lus Nug Uas Nquag Nug (Frequently Asked Questions, FAQs) no txhawm rau pab ua kom zej tsoom nkag siab txog cov lus qhia, teb cov lus nug ntawm tus neeg muaj feem xyuam, thiab ua kom tshab txhais kom meej txog kev yuav siv cov lus qhia li cas nyob rau cov tsham ua ntu zus tshwj xeeb. Tej zaum Cov Lus Nug Uas Nquag Nug (Frequently Asked Questions, FAQs) no kuj yuav raug kho dua tshiab yam sib quas ua ntu zus. Cov Lus Nug Uas Nquag Nug (Frequently Asked Questions, FAQs) no tsis yog yuav siv los mus hloov chaw rau cov lus qhia, tab sis mas yog siv los mus tshab txhais, muab kev pab ntxiv, thiab pab qhia ntxiv kom nkag siab txog cov ntsiab lus meej tseeb ntawm cov lus qhia no. Cov Lus Nquag Nug no tsuas yog siv rau cov lag luam uas ua txoj hauj lwm ncaj nraim rau tus neeg kheej (personal service providers) uas qhib lag luam nyob hauv ib lub county uas tau kev tso cai rau qhov [Rov Qhib Dua Zeeg Sij Hawm Ib nkaus xwb](#).

Q1: Cov lus qhia txog ntawm cov hauj lwm uas ua txoj hauj lwm ncaj nraim rau tus neeg kheej hais tias cov neeg uas ua cov hauj lwm no yuav tsum “hnav ib lub tsho ntev tuaj saum toj thaum ua hauj lwm rau txhua tus neeg.” Lub tsho ntev hnav tuaj saum toj no yog lub zoo li cas tiag (tes ntev, tes luv, lub tsho yuav ntev npaum cas, thiab lwm yam)?

A1: OHA tsis tas yuav kom hnav cev ris tsho thaiv ntev tuaj sab nrauv los sis npog lub cev.

Rau tej hom phiaj ntawm cov lus qhia rau tus kheej, ib cev ris tsho ntev hnav tuaj sab nrauv yog ib yam tiv thaiv tuaj sab nrauv lub cev. Cev ris tshov hnav tuaj sab nrauv pab tiv thaiv tej hmoov dej uas tej zaum yuav los tsuas tej yam tsis huv los ntawm cov kws kuaj mob los sis cov neeg qhua yuav tsum muab hle tawm hloov daim tshiab ua ntej yuav npaj ua hauj lwm nrog tus neeg qhua txuas mus ntxiv tom ntej.

Q1(a): Kuv yog ib tug kws zuaj ib ce. Kev hnav ib ce ris tsho ntev tuaj sab nrauv tsis yog ib yam siv thiab tsis hnav cev ris tsho no thaum kuv zuaj ib ce rau koj. Kuv puas hnav ib cev rau tam sim no, thiab muab nws hle tawm hloov daim tshiab rau txhua tus neeg qhua?

A1(a): Tsis tau. Yog koj tsis siv raws li txoj cai hnav cev ris tsho ntev tuaj sab nrauv, ces koj tsis tas hnav rau tam sim no los tau.

Q2: Puas yuav tau muab lub taub rhaub cov tshuaj nplaum (wax pot) ntxuav tawm es mam siv cov tshuaj nplaum tshiab rau txhua tus neeg?

A2: Tsis tas ntxuav. Tsis tas hloov cov tshuaj nplaum (wax) txhua zaus yog hais tias tsuav siv cov pas (applicators) tshiab, huv si cev mus raus rau hauv cov tshuaj nplaum. Tab sis li cas los, cov taub rhaub tshuaj nplaum yuav tsum txhob muaj dab tsi nyob hauv, thiab lub taub yuav tsum huv si ua ntej rov qhib dua tom qab muab kaw los ntev lawm.

Thaum muab ntxuav tau huv si tom qab muab kaw los ntev lawm, tsuas yog cov pas (applicators) uas huv si, siv ib zaug xwb thiab muab raus rau hauv cov tshuaj nplaum. Tom qab siv tus pas ib zaug lawm, txhob muab rov los siv dua tab txawm yog tib tus neeg qub. Yog hais tias muab ib tus pas uas twb siv lawm raus rau hauv qhov tshuaj nplaum lawm, muab lub taub rhaub tshuaj ntxuav kom zoo kom txhob muaj dab tsi nyob hauv. Muab cov pas pov tseg rau hauv ib lub thoob rau khoom vaub tsuab kaw ntom nti tsis muaj cua nkag tau. Lub thoob rau khoom vuab tsuab uas tsis muaj cau nkag tau yuav tsum muaj lub hau npog thiab muab tso rau lub hnab yas khi zoo koj mus pov tseg.

Q3: Cov chaw lag luam uas ua cov hauj lwm ncaj nraim rau tus neeg kheej no yuav tau siv yam khoom (product bar) uas sawv daws koom siv li cas (ntau tus neeg siv tib yam khoom) los mus tiv thaiv kev paug tsis huv?

A3: Tu thiab tsuag tshuaj tua kab mob rau txhua yam cuab yeej rov siv dua tau thiab muab khaw cia rau hauv lub thawv rau uas cua nkag tsis tau. Yog tias yam khoom ntawd yog ib lub hwj uas ntswj tau, yuav tsum siv cov tshuaj tsuag tua kab mob uas muaj nyob rau ntawm [Lub Chaw Ua Hauj Lwm Saib Xyuas Txog Kev Pov Thaiv Cheeb Tsam Ib Puag Ncig \(Environmental Protection Agency, EPA\) daim ntawv teev npe txog cov tshuaj](#) koj los mus so lub hwj ntawd kom huv si tom qab kev siv txhua zaus. Cov twj siv tib zaug tag pov tseg yuav pab txo tsis sib kis kab mob vais lav mus rau cov neeg qhua thiab cov neeg ua hauj lwm.

Q4: Cov lus qhia txog ntawm cov hauj lwm uas ua ncaj nraim rau tus neeg kheej puas siv rau cov kws zaws ib ce thiab cov neeg tuaj kom lawv zaws?

A4: Siv, cov lus qhia txog ntawm cov hauj lwm uas ua txoj hauj lwm ncaj nraim rau tus neeg kheej yeej siv rau cov kev zaws ib ce uas tsis yog kev kho mob.

Q5: Cov tswv ntawm qhov lag luam puas yuav tau sau thiab khaws cov ntaub ntawv uas lawv nug cov neeg tuaj hauv qhov chaw hais txog qhov kev tshuaj xyuas thaum xub thawj cia?

A5: Tsis tau khaws. Cov lus qhia uas koj yuav tsumtau kaw cia yog ntev txog 60 hnuv tom qab ntawd:

- tej ntaub ntawv hais qhia txog kev sib txuas lus nrog neeg qhua
- hnuv thiab lub sij hawm teem caij tuaj sib ntsib
- tus neeg muab kev pab rau txhua tus neeg qhua.

Yog muaj ib tug neeg raug Tus Kab Mob Khaus Viv-19 (COVID-19) vim yog los ntawm lub khw lag luam, feem saib xyuas kev noj qab haus huv rau pej xeem yuav tsum hais kom lub khw lag luam qhia cov ntaub ntawv no rau feem tshuaj ntsuam xyuas tus neeg tau nyob ze nrog tus neeg raug tus kab mob. Cov ntaub ntawv no yuav muab khaws cia ntev dua los tau uas yog nyob ntawm qhov lag luam kev txiav txim siab.

Q6: Qhov kev tshuaj xyuas thaum xub thawj (screening) rau cov neeg tuaj hauv qhov chaw puas muaj lo lus nug seb tus neeg ntawd puas tau mus ncig/yuav mus ncig sab nraud deb li 50 mile mus ntsib qhov tau teem tseg?

A6: Lo lus nug no tsis tau hais kom yuav tsum tau nug txog kev ntoj ncig.

Q7: Yog tus neeg tuaj hauv qhov chaw salon yog ib tus me nyuam yau, puas pub niam txiv los yog tus saib xyuas nkag los thiab nyob tos nrog nws?

A7: Muaj. Txawm li cas los xij, niam txiv los sis tus neeg saib xyuas yuav tsum nyob kom sib nrug deb tsawg kawg rau (6) fij deb ntawm tus kws pab cuam thiab lwm cov neeg qhua txhua lub sij hawm, thiab rau daim ntaub npog qhov ncauj qhov ntswg, daim thaiv ntsej muag los sis daim npog ntsej muag raws li [Cov Lus Qhia Siv Thoob Plaws Rau Hauv Lub Siv Rau Ntaub Npog Qhov Ncauj Qhov Ntswg, Daim Thaiv Ntsej Muag, Daim Ntaub Npog Ntsej Muag](#).

Q8: Thaum twg yog thaum kuv yuav tau nug cov lus hais txog qhov kev tshuaj xyuas thaum xub thawj (screening) rau cov neeg tuaj hauv qhov chaw?

A8: Lub sij hawm tseem ceeb tshaj los nug cov lus hais txog kev tshuaj xyuas thaum xub thawj yog hnuv teem sij hawm los yog ua ntej kiag lub sij hawm uas tau teem tseg. Tej zaum koj yuav tau hu xov mus qhia kom paub tseeb ib hnuv ua ntej yuav txog lub sij hawm uas tau teem tseg uas koj yuav nug tau cov lus nug raws hauv xov tooj.

Q9: Tus neeg ua hauj lwm yuav tau hloov (los yog ntxhua) nws lub npog ntsej muag tuab npaum cas?

A9: Cov npog ntsej muag uas yog ntaub yuav tau muab pov tseg los yog muab ntxhua tom qab tas hnuv ntawd. Cov neeg ua hauj lwm tsis tas yuav hloov lawv lub

npog ntsej tom qab ua hauj lwm nrog txhua tus neeg tas los yog txhua zaus yuav mus rau tus neeg tshiab. Tej ntaub ntawv hais txog kev tu cov ntaub npog qhov ncauj qhov ntswg, daim thaiv ntsej muag, thiab daim npog ntsej muag muaj nyob rau hauv [Cov Nqe Lus Nug Uas Nquag Nug txog Cov Lus Qhia Siv Thoob Plaws Hauv Lub Xeev Ntsig Txog Daim Ntaub Npog Qhov Ncauj Qhov Ntswg, Daim Thaiv Ntsej Muag, Dam Ntaub Npog Ntej Muag](#).

Q10: Cov lus qhia txog ntawm cov hauj lwm uas muab rau tus neeg kheej puas siv rau cov kws cob qhia rau neeg (personal trainer) hauv cov chaw kawm yeeb yam tes taw (gym)? Cov muaj ntawv cog lus/cov kws cob qhia rau neeg puas yuav tsum ua raws li cov lus qhia txog ntawm cov hauj lwm uas muab rau tus neeg kheej?

A10: Tsis tas ua, cov lus qhia txog ntawm cov hauj lwm uas muab rau tus neeg kheej tsis siv rau cov kws qhia neeg hauv cov chaw kawm yeeb yam tes taw. Cov lus qhia rau cov chaw qoj ib ce, suav nrog cov kws qhia rau tus kheej yeej tuaj rau ntawm [no](#).

Q11: Yog peb muaj ib kem rau khaub ncaws uas yog cia rau cov ntaub thiab phuum da dej nkaus xwb, peb puas tseem yuav tau muab cov no tso rau hauv ib lub thawv muab kaw ntom nti?

A11: Ib kem rau khaub ncaws siv rau qhov no yeej txaus lawm. Cov lag luam yuav tau xav txog qhov muab cov phuum no tso rau hauv ib lub hnab yas los yog lub thawv kaw kom ntom nti thaum tshem ntawm qhov chaw ntshua mus rau hauv kem rau khaub ncaws.

Q12: Cov chaw kos duab rau lub cev (tattoo) thiab tho qhov (piercing parlors) puas yuav tsum tau ua raws li cov lus qhia txog ntawm cov hauj lwm uas muab rau tus neeg kheej?

A12: Yuav tau siv. Cov lab luam kev kos duab thiab tho qhov rau lub cev yuav tsum ua raws li cov lus hais txog kev muab kev pab cuam tus kheej.

Q13: Rau ntawm cov rooj tu rau taw, peb puas muab tau ib daim iav los yog ib daim yas los tso thaiv tuaj nruab nrab ob lub rooj es tsis tas muab cais kom sib nrug deb rau (6) feet?

A13: Tsis tas rau. Cov kws pab cuam yuav tsum saib xyuas kom nyob sib nrug deb tau rau (6) fij rau ntawm lub chaw. Cov khoom siv thaiv hom roj hmab (plastic) los sis iav ntawd coj los siv hloov tam kev nyob kom sib nrug deb tsis tau. Yog cov rooj tu rau taw nyob sib ze tshaj rau (6) fij thiab tsis tas tshem tawm, yuav tau txhob siv ob lub tib txhij ua ke kom thiaj ua tau raws li cov cai hais kom sib nrug deb.

Q14: Peb muab puas tau dej rau cov neeg qhua haus?

A14: Muaj taub, cov kws pab cuam tuaj yeem muab dej rau cov neeg qhua haus tau, siv cov taub dej rau cov neeg qhua xws li cov taub dej uas pub siv tib zaug

xwb. Cov kws muab kev pab cuam yuav tsum tsis txhob npaj tej chaw tso dej haus uas nyias tau nyias mus muab haus.

Q15: Peb muab puas tau dej rau cov neeg haus los sis khoom noj?

A15: Tsis tau. Cov lus qhia txog ntawm cov hauj lwm uas muab rau tus neeg kheej hais kom tshem tawm txhua yam tsis tseem ceeb tawm xws li cov phau ntawv xov xwm, cov ntawv xov xwm, cov khoom noj ua si, thiab cov dej haus qab zib. Tsuas pub zam tau rau kis uas cov kws pab cuam rau tus kheej tsuas muab tau cov fwj dej tshiab cov neeg haus tau xwb.

Q16: Yog hais tias ib tus neeg tuaj ntsib ob tus kws tu plaub hauv sib txawv rau ob txoj hauj lwm sib txawv, los yog teem kom ua ntau tshaj ib qho tuaj tsau dej sov, tus neeg no puas yuav tsum tau tuaj ob hnuv sib txawv?

A16: Tsis tas. Yuav tsum siv txoj cai kom nruj tau li qhov nruj tau ntawm tus kws muab kev pab cuam rau neeg qhua. Tab sis li cas los, yog muaj ib tus neeg qhua xav kom ua ntau yam rau nws uas yuav tsum yog ntau tus kws sib txawv, ces yuav tau txwv tsuas pub tus neeg ntawd muaj kev sib fim rau ib tus kws tauj ib txoj hauj lwm xwb. Yog siv ntau tus kws sib txawv, lawv yuav tau txhob muaj kev sib fim nrog tus neeg ntawd tib lub sij hawm.

Q17: Muaj ib co kws ua kom neeg ntsej muag zoo nkauj thiab kws zaws ib ce tau ntshai tsis xav rov qab tuaj ua hauj lwm vim lawv xav tias tsis muaj kev kaj huv rau lawv. Kuv muaj cov kev xaiv ua li cas raws li yog ib tus tswv lag luam? Kuv ncuu lub sij hawm qhib mus ntxiv puas tau?

A17: Tau, koj muab qhov lag luam kaw cia li qub tau. Tsis muaj dab tsi nyob hauv cov lus qhia no los yog hauv cov lus qhia txog ntawm cov hauj lwm uas muab rau tus neeg kheej hais kom cov tswv lag luam qhib rau cov neeg tuaj siv. Xeev Oregon Lub Thawj Fab Saib Xyuas Hauj Lwm Txog Kev Ntiav Neeg Ua Hauj Lwm (Oregon Employment Department) [tau muab ib cov lus qhia](#) rau cov tswv lag luam uas xaiv qhov rov qhib dua thiab rau tus neeg ua hauj lwm uas tsis xav rov qab tuaj ua hauj lwm.

Q18: Ib tus kws tu plaub hau puas ua tau rau ntau tshaj ib tus neeg rau ib lub sij hawm?

A18: Ua tau, tab sis tej zaum yuav ua tau nyuaj. Tus kws ua txoj hauj lwm ntawd yuav tau hnav ib lub tsho ntev tuaj saum toj txawv rau txhua tus neeg, siv cov cuab yeej/cov twj txawv thiab ntxuav lawv txhais tes kom zoo txhua zaus ua ntej yuav hloov ntawm ib tus mus ua rau tus tod. Thiab, tus kws ntawd yuav tau nyob kom nrog deb rau (6) feet ntawm ib tus neeg rau lwm tus txhua lub sij hawm.

Q19: Yog peb muaj ib daim thaiv tuaj nruab nrab ntawm tus kws ua txoj hauj lwm thiab tus neeg ntawd ne, peb puas tseem yuav tau hnav ib lub tsho ntev tuaj saum toj thiab ib lub npog ntsej muag?

A19: Muaj. Yam thaiv los sis yam cais yuav hloov tsis tau rau kev rau ib daim ntaub npog ntsej muag los si ib cev ris tsho loj tuaj sab nrauv. Cov chaw muab kev pab cuam ntiag tug yuav tsum tau ua raws li [Cov Lus Qhia Txog Kev Siv Daim Ntaub Npog Qhov Ncauj Qhov Ntswg, Daim Nab Kaj Npog Ntsej Muag, Daim Ntaub Npog Ntsej Muag Thoob Plaws Lub Xeev](#).

Q20: Li yog ib tus kws thas rau tes ne, peb puas yuav tsum rau rau hnab looj tes?

A20: Tsis tas rau. Ua kom ua tau zoo tshaj plaws raws li qhov ua tau, cov hauj lwm uas ua pab rau tus neeg kheej yuav tau rau hnab looj tes (thiab hloov lub tshiab thaum yuav mus rau lwm tus), tab sis txoj cai kuj tsis hais kom lawv yuav tsum tau rau hnab looj tes.

Q21: Yog vim li cas thiaj txwv tsuas pub ua txoj hauj lwm rau ib tus neeg nyob rau ib lub sij hawm xwb?

A21: Txo lub sij hawm uas muab kev pab cuam rau tus kheej rau ib tug neeg qhua kom sai thiaj pab txo kev sib kis ntawm Tus Kab Mob Khaus Viv-19 (COVID-19). Kev phom sij kis Tus Kab Mob Khaus Viv-19 (COVID-19) yuav muaj ntau rau thaum cov tib neeg nyob sib ze rau ib lub sij hawm ntev, xws li thaum teem caij tuaj sib ntsib.

Q22: Yog muaj cov neeg uas lawv yog tib tsev neeg tuaj kom tu lawv cov rau taw ne, lawv zaum sib ze puas tau?

A22: Tau, cov uas yog tib tsev neeg yuav zaum sib ze tau thaum tu lawv cov rau taw. Tab sis, cov kws tu rau taw tseem yuav tsau caiv nyob kom sib nrug deb tsawg kawg rau (6) fij ntawm ib tus rau ib tus.

Q23: Ib tus neeg uas tuaj thas rau tes puas nqa tau nws tus pas tshiav rau tes kom du?

A23: Tau, tus neeg ntawd yuav nqa tau nws tus pas tshiav rau tes.

Q24: Kev zaws ib ce rau ob tus neeg ib leeg nyob ib sab ua puas tau tib lub sij hawm?

A24: Yog hais tias ob tus neeg uas tuaj zaws ib ce ntawd yog tib tsev neeg, nkawv ib leeg yuav nyob ib sab tau. Tab sis, cov kws zaws ib ce yuav tsum nyob kom deb tsawg kawg rau (6) fij ntawm ib tus rau ib tus.

Q25: Yog koj twb ntxuav tes tas li ne yog vim li cas thiaj yuav tau rau hnab looj tes? Cov kws tu plaub hau puas yuav tau rau hnab looj tes?

A25: Hnab looj tes yog ib yam khoom siv faj seeb ntxiv. Ua kom ntau li ntau tau, cov kws ua txoj hauj lwm rau tus neeg kheej yuav tau, tab sis kuj tsis yog yuav

tsum tau ua los mus, rau cov hnab looj tes siv tas pov tseg thiab hloov lub tshiab thaum yuav mus ua rau lwm tus.

Q26: Kuv yog ib tus kws txiav thiab tu plaub hau. Kuv siv puas tau lub tshuab thiab tu plaub hau tib lub sij hawm?

A26: Muaj. Nws tsis muaj pov thawj pom tias tus kab mob coronavirus kis tau los ntawm cov tshuab plaub hau. Mus saib rau ntawm [Cov Lus Qhia Tshwj Xeeb rau Cov Chaw Muab Kev Pab Cuam Ntiag Tug](#) for more information about cleaning and disinfecting tools. Muaj txoj cai hais kom cov neeg ua hauj lwm, cov muaj ntawv cog lus ua hauj lwm thiab cov tuaj ua hauj lwm pub dawb yuav tsum looj ib lub npog ntsej muag uas siv rau kev kho mob, daim vov ntsej muag, los yog lub npog ntsej muag, tshwj tsis yog muaj kev pab rau cov neeg uas muaj ib tus mob xiam oob qhab los yog lwm yam kev zam siv rau qhov no. Cov kws ua txoj hauj lwm yuav tau ceev qhov nyob kom nrug deb tsawg kawg rau (six) 6 fij ntawm cov neeg uas tuaj rau hauv qhov chaw ntshe ho yog muab cov hauj lwm uas lawv ceev tsis tau qhov kom nyob nrug deb rau (six) 6 fij no xwb.

Q27: Peb so cov rooj zaum xwb puas tau los yog peb yuav tau muab ib daim ntaub los yog ib daim yas los npog rau?

A27: Nws tsis muaj qhov hais kom yuav tsum muab ib daim yas los npog cov rooj zaum, tab sis yog tias koj muaj cov rooj zaum uas muaj ntaub los yog yas npog, yuav tau siv yas npog yog tau hais kom ua. Cov lag luam ua txoj hauj lwm no yuav tsum tu thiab tsuag tshuaj rau txhua lub tais, tus kav dej, cov taub hau tsuag dej tawm, qhov siv tes nyem, cov rooj teeb tshuaj zawv plaub hau thiab cov tes tuav txhua zaus thaum siv tag.

Q28: Ib "daim ntaub npog qhov ncauj qhov ntswg uas siv rau kev kho mob" yog li cas tiag, raws li tau muab piav rau hauv cov lus qhia?

A28: Cov ntaub ntawv qhia txog cov ntaub npog qhov ncauj qhov ntswg uas siv rau kev kho mob muaj nyob hauv Teb Chaws Meskas Fab Tswj Hwm Khoom Noj thiab Tshuaj (U.S. Food and Drug Administration, FDA) qhov chaw txuas ntawm [no](#). Cov npog ntsej muag N-95 tsis yog cov yuav tau rau los yog pom zoo kom siv rau tsoom neeg sawv daws los yog rau cov neeg ua hauj lwm, cov muaj ntawv cog lus los yog cov ua hauj lwm pub dawb ntawm cov lag luam thiab cov tsheb thauj tsoom neeg mus los. Thaum tsis muaj hom ntaub npog qhov ncauj qhov ntswg hauv tsev kho mob, yuav tim chaw muag los sis yus xaws yus siv los yeej tau. Ib hom ntaub npog qhov ncauj qhov ntswg uas tsis yog hom siv kho mob yuav tsum muaj ib tsheej ntaub tuab zoo xws li hom ntaub rwb 600- los sis siv hom ntab muaj 2-3 tsheej ntawm hom ntaub rwb nyias zog.

Q29: Peb siv puas tau cov dab da dej ntsawj, cov dab da dej sov, los yog cov dab tso pa ntshawb ib ce?

A29: Siv tsis tau. Cov chav/cov cuab yeej siv rau hom no yuav tsum muag kaw.

Q30: Peb siv puas tau cov tshuaj pleev ntsej muag (facials) txawm tias tus neeg yuav rau tsis tau lub looj ntsej muag thiab peb nyob sib ze heev ntev txog 2 xuaj moos hauv ib chav me me xwb?

A30: Muaj. Cov hauj lwm rov qab ua xws li muab tshuaj pleev ntsej muag yogi b qho pub ua tau nyob hauv Tsab Ntawv Txib (Xaj) Ntawm Feem Tswj Xyuas Txoj Cai (EO 20-27). Muaj txoj cai hais kom cov neeg ua hauj lwm, cov muaj ntawv cog lus ua hauj lwm thiab cov tuaj ua hauj lwm pub dawb yuav tsum looj ib lub npog ntsej muag uas siv rau kev kho mob, daim vov ntsej muag, los yog lub npog ntsej muag, tshwj tsis yog muaj kev pab rau cov neeg uas muaj ib tus mob xiam oob qhab los yog lwm yam kev zam siv rau qhov no. Cov kws ua txoj hauj lwm yuav tsum ceev qhov nyob kom nrug deb tsawg kawg rau (six) 6 feet ntawm cov neeg uas tuaj rau hauv qhov chaw ntshe ho yog muab cov hauj lwm uas ceev tsis tau qhov kom nyob nrug deb rau (six) 6 feet no xwb.

Q31: Hom tshuaj tu vaj tu tsev twg uas kuv siv tau ua ntej kuv rov qhib kuv chav salon?

A31: Siv cov tshuaj tsuag tua kab mob uas Lub Tsev Hauj Lwm Tiv Thaiv Huab Cua Ib Puag Ncig (Environmental Protection Agency, EPA)-tau tso npe thiab lo ntawv tias tua kab mob vais lav, kab mob bacteria thiab tej yam tuaj pwm tau. Cov khoom lag luam tseem tsis tau muaj cov ntawv nplaum muab lus qhia txog rau Tus Kab Mob Khaus Viv-19 (COVID-19), tab sis muaj ntau cov khoom lag luam yeej muaj ib daim ntawv nplaum muab lus qhia los sis cov lus qhia paub nyob rau hauv lawv cov vas sab (websites) hais txog lawv li kev ua hauj lwm zoo rau tus kab mob khaus lauv nam vais lav (coronavirus) ntawm tib neeg. EPA tau pom zoo ua ntej rau qee cov tshuaj uas ua tau hauj lwm tawm tsam cov kab mob vais lav (viruses) zoo li tus kab mob COVID-19. Tag nrho cov tshuaj muaj nyob rau ntawm xeev Oregon daim ntawv teev npe tshuaj uas ua tau raug raws li tus qauv cai raug muab tso rau [ntawm no](#).

Kev Muaj Peev Xwm Nkag Cuag Tau Rau Daim Ntaub Ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Mavel Morales ntawm 1-844-882-7889, 711 TTY los sis OHA.ADAModifications@dhsaha.state.or.us.